

ellog. Elm tepetog soel tepiag tell agnotemegsep gis tet; tilla tepeg N. J. G. molsatamagen tell oil angitasit, ag tell gsitelmatjel ag oell osgoimattjel patliasel.

LINOI MENIGOG epegotg—18 tes. nepeg. tepeg—San Lamoli eig pastong. Lani Peinal ellogoet nipogtog nata-ma noplosoig. Lög eoletjegeg ola tet nemetjoegomg.

GÖSPEMIG—neppigeoei tepeg. 19 tes. 1909—Notjinen patlias Hamilton pegisingeg 25 tes. gteg tepeg. gagi gemnieohtiegep, ag lög mesgigep tan tell maol alasotmamgep otjit neppig alasotmelseoteg. Ag sagmao pasamai Nagot oetjiet gentpilig, otjigenamel gisi malieohtitjel—nov. 3—Amliel teloisititjel, tōgo epites Matien Gapliel oegōpegitg tlei; ag lög gelolg oetnega, pigoelgig mimatjoingog gōspemga oetjattitjeg ag sipo epelg. Ag San Lamoli pegisingep ola eimeg natji mitgogoahtnamegep.

ENKILIG—Sagmao San Egien elmiet ometgig pōgōmgeg. Mset Inog tet oelōhtitjeg.

SOUTH BRANCH Union Brook listogotjeolg—20 tes. oigēoigos 1909—nige ola eoigmanel tasigel agnotemagantjittjel otjit mset oen ogtjittjona, tjiptog me otji olitasolittag notematin; tan tellagatemotiega, tetotji geneg pagtagamigtoga, 120 mail oetjategemg listogotjga. Maol emtōgoatasig tan tell ollogotieg. Ag tegeg, gis tapo pesag, amsgoeseoeleg pesagap 10 tes, oigēoigosōga, aptj pesag 18 tes, na nige mao eteg 4 mtetjina oasteoa. Ag mset pōgtagietjeg migmaga ola temōtegana. Noel Toma Agostin Al-sosit, tōgo totjio Noel Tjōō negemgesgemōtasit, Piel Sag Giel niganktmegeolno; Noel Salmen ag Egian Salmen ag Leml Oat temagipolatitji temōgtaa; Sōsep Agostin, Sag Pigiell, Noel Teni, Sag Giel na negemōo Aog-tigetittjeg; Egian ag Loi Agostin negemoō mosiganontatitji temōgtaa, Piel Selōm tēteptjotasit, Silpal Ginis negem asimatel tesipōol ag Tjōnsen oalmen; tōgo totjio Sapatia Agostin mesegit negem notji tōgtagl nogalo-tjela; ag maol msegig gemotja tan tes 6 tesititj na taosen. Nin Goges.

GTJIPOGTOSGEOEI agnotemagam—neppigeoei tepeg. 3 tes.—Mōgoe oen gesinogoag ag maol gelolg mimatjoingog tan tell ollogotittjeg, gato mo Inim nemetjoingog. Setaneolimgeg sa-

gmao eli mitgogoet pōgōmgeg, gelolg-gem nemitōgep alasotmaganega. Teboet aensgoes teli gelolg nemitō; mōgoe oen nemiang tan getgiet. Na glapis-gisgatjeg otelmien na nemiatjel epittjittjel, tellmatjel, ngoetjitt, etog me gil malieoigp telimttjel amotj nsis, paseg nengigog olttetemittja. Na mao agnotematittjeg gisigog onitjamittjiga, teloettjeg gisigog, miamotj tellag tan Nisgam teloesa, mōgoe ninen gisig-oisagatoeg na getleoeia paseg negemōo olttektittja, na tellag nipena setaneolimga na oegela mimatjoingog malieoittjeg, teloisittjeg Piel Miglaot sagmao gtdipogtseg ag Losi Plansoe pōgōmgeg. Nin Maoen.

PIGTOG oalneg—nepeg. 8 tes.—menag teoianog agnotemagn ola otang gis neogtisgegsittjeg tepgenosettjeg. Me eolettittjeg elmogig ola otang getgipona lapigōteg melgigneoalogsittjeg; paseg gato nesessittjeg oetji nepegig, gisigo Piel Moim, ag Oisōl Pal ag ototjittjel; ag tanig opmetog aligetittjeg otanigtog gagi nogatasigel oigoaigla. Aptj nigettj oelmetōg gepelnōl eoigotatj otanigtog; nigettj maol pīsgolatittjeg plotog otanga. Ag nigettj pigoelgig mitjoattittjeg sgoleohtittjeg, ehpatottjeg 21 tesittjeg, epitetjittjeg 10 tesittjeg tanig steteohtittjeg.

Agst 21 tes. Toma Sag nepeg, ag Elen Tōni nepeg neogte nagoeg otgotatolg ag patlias otgotat, gisi gesipi logoatgeg. Agtōpel 28 tes. epitesag neppag nōgatag paseg neogonag elaoisitag ansema otapson etil gagōgtegel otininga Misel Oani otjittja, teloisitag epitesag Isapel Sag. Elp mitjoattittjeg neppag teloisitag Mitel Noel, Piel Noel ototjittja.

Ag lög gelolg tan tell pemlag otana; otgotaganegati gisi mosigatasig pilei plotog oalnega me menag elapatasinog ag alasotmōgoōm gagmata-sig pemi panlag, ag mset tjlnemog oellogotittjeg, Piel Pitel maolpilog gantlag gegong otjit antla, onagapem teloisittjii sagmao Matieo Plansoe ag Toma Plansoe, na maologotittjeg ag mset tjlnemog elogotittjeg otjit antel.

Ag napogtagnittittjeg oōgisogattittjeg, Noel Tōni maolapalegit oōgisigig asōgōm tesanatji ag tiagotji 9 tesanatji ag matoes megetattji pasgoata-tji otjit gesigoeia; ag Tjō Plaspelōg sōgietag natji napogtagnietag. Nin T. P.